



Universitätsbibliothek Paderborn

**R. P. Thomæ Tamburini Societatis Jesu Siculi
Caltasinettensis, In ... Universitate Messanensi Theologiæ
Primarii Professoris, Tractatus Quinque In Quinque
Ecclesiæ Præcepta**

Tamburini, Tommaso

Dilingæ, 1697

Caput III. De Confessione.

urn:nbn:de:hbz:466:1-40032

22. Nota; posse contingere, ut aliquis sumat Jubilæum, seu acquirat Indulgentiam die Jovis v. g. quia propter rationabile impedimentum fuerunt illi commutata jejunia feria sextæ, & sabbati, aliaque opera finierit dicto die Jovis; in hoc ergo calu inquires, si is post acquisitam Indulgentiam committat reservata, posterne ex vi Jubilæi acquisiti ab illis absolvit?

Respondeo, non posse: nam facultas ablolvendi à reservatis est concessa in ordine ad lucrardam Indulgentiam: si ergo hic completè illam acquisivit, spirant pro ipso Jubilæi tempus, ejusque privilegia,

23. Advertat denique Confessarius, quod licet possit tolli reservatio, & excommunicatio, invito pénitente, ut diximus in tract. de absolutione excommunicationis; nunc tamen per Jubilæum, ut per Bullam Cruciatæ, non potest, illo invito, tolli, quia privilegia Jubilæi, & Cruciatæ sunt concessa pénitenti ipsi, qui non potest cogi ad ultimū sui privilegij: quare dictam absolutionem debet ipse petere à Confessario; si non petet, nihil potest Confessarius.

CAPUT III.

De Confessione.

Peccatis mortalibus carens.

1. **Q**ui sine culpa putat se liberum esse à peccatis mortalibus; & idem non confiteretur, an gaudeat privilegio Jubilæi, Indulgentiamque lu-

cretur, si cætera injuncta ritè præstee?

2. Respondeo. Sanchez, Henriquez, alijque negant, quia confessio est unum opus ex injunctis omnino requisitis. Suarez, alijque affirmant, quia ex interpretatione mentis Pontificis, præmixtum fidelium scientis, qui non judicant, se obligari ad confessionem, nisi mortalibus graventur; intelligimus, confessionem non propter aliud in Jubilæo à Pontifice requiri, nisi ut quis ponatur in statu gratiæ: utraque sententia probabilis est, ut facetur ipse Sanchez, licet suam vocet probabilitorem.

3. Quid si prædictus post acquisitionem, & elapsum Jubilæum recordetur alicuius mortalis reservati, à se ante Jubilæi acquisitionem commissi, poteritne ablolvii ab hoc oblio per quemcumque Confessarium, qui habeat potestatem ablolvendi à mortalibus, sed non à reservatis?

4. Respondeo, posse: siquidem per acquisitionem Jubilæi acquisivit in sententia probabili jus ad hujusmodi ablolutionem, idque etiam si post multum tempus, v. g. post annum recordetur illius, vel etiam aliorum commissorum ante acquisitionem Jubilæi; tunc enim in prima confessione, quam faciet, debet illa clavibus subjictere, ut legitimè absolvatur. Ita docent Sanchez, Henriquez, & alij.

*Confessus, vel non Confessus
non recipiens Jubilæum.*

5. **Q**ui peregit confessionem cum animo lucrandi Jubilæum, & tem-

tempore Jubilæi fuit absolvus etiam à reverbatis, si postea Jubilæum non luetatur, sive sine sua culpa, sive cum culpa, remanet ne absolvutus?

6. Respondeo affirmativè; quia absolutionis licet fuerit collata in ordine ad Indulgentiam acquirendam, tamen absolvitur collata est, & non ad reincidentiam. Non ita esse, quando quis in articulo mortis absolvitur ab excommunicatione reservata (nam tunc datur absolutionis ad reincidentiam) diximus in tract. de absolutione excommunicationis.

Hac autem poena reincidentia tunc solùm incurritur, quando Pontifex sic se expressè declarat: at in Jubilæo id non exprimit; unde sequitur, male factum Confessarium, si Jubilæi tempore pénitentes absolveret ad reincidentiam; debet enim absolvere absolvutè, & sub nulla conditione in futurum.

7. At vero, qui nullam peregit confessionem, qui fortè, ut diximus, i. mortali peccato non gravabatur, licet alia injuncta executus sit, nullo Jubilæi privilegio gaudere poterit, quia tunc nec confessio peracta est, nec Jubilæum acquisiuit.

8. Idem die, si quis confiteretur non habens intentionem acquirendi Jubilæum; hæc enim Confessio, licet alias legitimè, & cum fructu facta, non est tamen confessio privilegiata per Jubilæum, cùm non facta sit ex intentione acquirendi illud, qua intentio necessaria est, ut paulò post dicam.

9. Quid dicendum de illo, qui fecit quidem confessionem, sed propter defectum doloris v. g. sacrilegiam illam fecit, & invalidam?

Respondeo. Quamvis hic exequatur omnia alia opera injuncta, non lucrabitur Jubilæum, nec ejus privilegia: quia, cum sit DEI inimicus, Jubilæi, seu Indulgentiæ, & Privilegiorum ex his consequentium particeps esse non potest.

Quid si ante ultimum opus conteratur? Respondeo, neque lucrabitur: quia in hac figura casus non fecit omnia injuncta, quia non fecit confessionem, confessio enim sacrilega nullo modo confessio est.

10. Instas: quid si illa confessio fuerit valida, sed informis?

Respondeo: Etiam concessio, quod dari possit confessio, seu Sacramentum pénitentia validum, & informe, quod innumeri Doctores negant, & confessio etiam quod hic per contritionem recuperet statum gratiæ ante ultimum opus; dico, cum non lucraturum Jubilæum, quia pari modo hic non posuit unum ex operibus injunctis, nempe confessionem, quia non injungitur à Pontifice quæcumque materialis, quamvis valida confessio; sed illa, quæ conductus ad gratiam, & Indulgentiam obtinendam; atque adeò, quæ sit forma ex gratia. Ita Pasqualigus q. 73. contra Leonem, & Faustum.

Confirmatur hæc responso; nam hodie est ab Alexandre VII. damnata hæc propositio (qui facit confessionem nullam, satisfacit precepto Ecclesia) si ergo confessio nulla, qualis certè est in-

Z 2 com-

muni usu loquendi illa , quæ nullam parit ex se gratiam , non satisfacit præcepto Paschali Ecclesiæ ; satisfaciens intentioni Pontificis pro Jubileō ?

11. Rogas : qui confessus est , & absolutus spe Jubilei ; si deinde Jubileum nollet ex culpa sua consequi , peccatne ?

Respondeo : Suarez docet peccare ; quia facit contra virtuale pactum in eo beneficio absolutionis à se recepto . Sed Sanchez negat , quia non appetet adesse ejusmodi pactum : & ex alia parte Confessarius absolute , & sine conditio ne in futurum absolvit , ut modò diximus num 6. Fuit igitur solùm propositum pœnitentis , à quo recedere , certè ex se peccatum saltem grave non est .

Absolutus nulliter à reservatis.

12. **S**i Pœnitens bona fide confiteatur , etiam reservata , habeatque animum lucrandi Jubileum , at Confessarius , qui non sit approbatus ab Ordinario loci , tamen (certè cum peccato) illum absolvit ; lucraturne is privilegia Jubilæi ? Cùm verè legitimam confessionem , seu absolutionem non obtinuerit .

13. Respondeo Moronum *loc. cit.* num. 297. putare lucrari tunc ejus privilegia ; siquidem (ait) huic bona fide procedenti nocere non debet maliitia Confessarij , idque etiamsi confessio requereretur , ut conditio ; necessitas enim ponendi conditiones cessat ; quoties per debentem illas ponere non stat , quod conditio executioni non-

mandetur . Contrarium docet Paschaligus *quaest. 71.* quia hic , si confessio supponatur requiri ut conditio , verè non ponit opus injunctum , nempe confessionem validam ; tanè utrumque probabile videtur .

14. Si in ejusmodi pravo Confessario adfuisset error communis , non essemus in dubio ; nam tunc confessio satis superque legitima fuisset , ut alibi à nobis dictum est fæpè .

15. Quid si bonus ille pœnitens veniat in cognitionem de illegitimitate sui Confessarij ?

Respondeo . Si adfuit prædictus error communis , ad nihil obligabitur ; si ejusmodi error communis non adfuit ; puto necessarium fore , ut pœnitens subiiciat sua illa peccata alteri confessio legitimā , potenti absolvere à mortalibus , ut in simili alibi diximus de peccatis indirectè absolutis .

Peccati antiqui memor.

16. **I**lle qui validè confessus est de mortalibus , & ille , qui non est confessus , quia solis venialibus gravabatur , sed iam Jubileum acquisivit ; si uterque aliquorum mortalium sine culpa est oblitus , neuter obligatur , illa oblitera fateri ante elapsum Jubileum , atis est suo tempore .

Immo ab obliitis commissis etiam reservatis ante acquisitum Jubileum , poterit in prima confessione absolvī per quemcumque Confessarium , potentem absolvere mortalia , etiam post multum tempus ab elapsio Jubilæo , ut nuper dixi n. 3.

Quan.

Quando facienda Confessio.

17. **S**atisfit Jubileo, sive confessio præcedat, sive consequatur alia opera; quia ordo positus in tenore Jubilæi est consilium, non præceptum: certè operæ pretium erit, confessionem præcedere in eo, qui habet mortalia, ut feliciter consequentia opera cum frumentis fiant in statu gratiæ.

18. Dubitabatur olim, an confessio potuerit fieri die Dominico post sabbatum hebdomadæ à nobis electæ pro consequendo Jubilæo. Negabant olim antiqui nonnulli, verum hodie ablata est hæc dubitatio; quia Bulla dicit (*ut Confesse communicent die Dominico iuimediæ sequenti, vel alia die intra hebdomadam*) ita de Lugo loc. cit. num. 107. & communiter.

19. Hinc ergo sequitur, quod, quia dies Dominicus prædictus est inclusus in tempore Jubilæi, poteris in toto die Dominico legitimè facere alia opera injuncta, etiam usque ad medianam noctem, quæ ad dictam Dominicam confequitur. Hanc lequelam negat de Lugo; sed quia multi eam amplectuntur congrua ratione ducti cum Pasqualigo q. 58. probabilis ea sit.

Absolutio reservatorum quoniam? & quid peccans ex confidentia?

20. **I**n tempore ante aquisitum Jubilæum, seu Indulgentiam, quæ acquiritur in ultimo opere, quod tu facis, potest quis absolviri à reservatis toties quoties, (idem dicemus mox de votorum commutatione antea emis-

forum) immò etiam si quis ea reservata commiserit in confidentiam Jubilæi; quia hæc restrictio non ponitur hic à Pontifice; quæ tamen posita est in Bulla compositionis contra furantes in confidentiam illius Bullæ.

21. Instas. In Jubilæi tenore solet poni, & ponitur in nostro, hæc clausula (*absolve pro hac vice tantum*) ergo non toties quoties.

Respondeo, hanc limitationem dictæ doctrinæ non obstare, quia sensus est (*pro hoc Jubilæo, seu ex vi hujus Jubilæi tantum*) hoc est pro tempore, quo durat hoc Jubilæum dumtaxat.

Peccans ante ultimum opus ex injunctio.

22. **T**itus legitimè confessus, legitimeque omnia opera executus est, præter ultimum, v. g. visitationem Ecclesiæ: at accidit, ut antequam Ecclesiam visitaret, peccatum mortale commiserit; visitavit tamen, & nunc querit, an Jubilæum acquisiverit, privilegiisque Jubilæi gaudere possit?

Respondō, esse distinguendum: si enim Titius, antequam Ecclesiam visitavit, elicuit actum contritionis, vel novam confessionem vitæ fecerit, Jubilæum & Indulgentiam acquisivit, & ejus privilegiis frui poterit; at verò si nec contritus, vel nec de novo confessus visitavit; Jubilæum, & Indulgentiam non acquisivit, quia in ultimo opere non erat in statu gratiæ; quare nec ullis Jubilæi privilegiis uti poterit.